



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Liber Theologiæ Moralis, Viginti Qvatvor Societatis Iesv Doctoribvs Reseratvs**

**Escobar y Mendoza, Antonio de**

**Lvgdvni, 1659**

II. De Oratione in communi.

**urn:nbn:de:hbz:466:1-41066**

4. *Religionis actus recense.* Interni deuotio, oratio; externi Adoratio, votum, iuramentum, de quibus supra.

## CAPVT II.

*De Oratione in communi.*

5. **Q**uid est Oratio? A Deo rerum decentium petitio. Vel ad Deum illa dirigatur, vel ad alios per ipsum.

6. *Quotuplex illa?* Triplex. 1. Publica, aut Particularis. 2. Mentalis, aut Vocalis. 3. Obsecratio, Postulatio, Actio gratiarum.

7. *An necessaria?* Ita quidem ex Religionis præcepto, & consequenter diuino obligante indeterminatè ad mentalem, aut vocalem.

8. *Quonam tempore obligat orationis præceptum?* Aristoteles mihi sententia illa triplex tempus in particulari ex vi præcepti assignans. Primum est, mortale initium discursus perfecti. Secundum mortis articulus. Tertium aliquoties in vitæ decursu, vt de præcepto Deum amandi assignauit. Prædictò Ecclesiastico iure tempus determinatur Missam audiendi præcepto, quando Sacerdos pro Populo precatur. Cæterum aliàs obligat aliorum vi præceptorum, v. gr. quando tenetur peccator se disponere, vt gratiæ diuinæ restitatur ad Sacramentorum administrationem: grauis tempore tentationis, euidenti mortis discrimine, & similibus. Adiiicit *Lesius* nos teneri adeò hæerere orationi, vt vnus mensis integer non elabatur. *Quonam crimine omittens in his casibus orationem, sese illigat?* Mortali quidem, si menti occurrat obligatio.

9. *Quenam in oratione debent postulari?* Res necessaria animæ salutis, virtutes supernaturales gratia, &c.

10. *Formam orandi exprime.* Dominica oratione præscribitur; prius enim Deum inuocamus; mox septem iustas admodum petitiones adiicimus; demum approbatione terminamus.

11. *Quenam requiruntur, vt oratio sit meritoria?* Primò quidem actio libera esse debet. Secundò honesta, quod supernaturaliter erit quando eam fides comitatur. Tertio rectus finis. Quarto humilitas. Quintò denique propositum de reliquo non delinquendi.

12. *Vt autem simul satisfactoria sit quid adiciendum?* Personalitas

malitas quædam : quia sic proportionata est ad debitæ pœ-næ remissionem.

13. *Ut sit impetratoria?* Requiritur bonitas supernatura-lis liberæ operationis ; quia sufficit tale esse opus, vt intuitu illius possit Deus impertiri quod petitur tanquam eiusmodi operis remunerator.

14. *Ut verò infallibiliter impetret?* Hæ requiruntur con-ditiones. 1. Iustus debet esse qui petit. 2. Pollere fide circa potentiam, benignitatem, ac fidelitatem Dei. 3. Agenda est pro ipso qui petit. 4. Res quæ postulatur, necessaria aut sal-tem utilis ad salutem animi futura est. 5. Perseuerandum in oratione. Tunc autem haud ex iustitia erit impetratoria, sed ex fidelitate ; quia ad rationem debiti, ex iustitia requiritur æqualitas ex parte operationis.

15. *Cuiusnam est proprium orare?* Rationabilis creaturæ, Angeli scilicet, aut hominis. *An Christo conueniat?* Christo vt homini viatori conuenit. Imo *Suaris* affirmat etiam in celo existenti IESV orationem conuenire. Profectò *Vasquez* Vasq. venia contrarium asserentis, existimo Christum apud Supe-ros pro nobis exorare, non solum ex operibus in vita ge-stitis Patri vulnera præsentando ; sed etiam nouo actu peten-di, non quidem noua deprecatione, aut submissione ; quia postulat, quod ipsi non ex liberalitate, sed ex iustitia de-beatur.

16. *Quæ nostræ Oraciones sunt dirigenda?* Deo præ-cipue cunctorum, quæ expetere debemus, auctori, ac Domi-no. Angelis ac hominibus beatis deinde, quorum manibus oratio ad Dei thronum deducta, grata futura.

17. *An animabus in Purgatorio existentibus?* Aliqui af-firmant probabiliter. Ego arbitror haud eis dirigendas ora-tiones ; quia eo in statu nondum existunt, vt possint nostras preces agnoscere vnde otiosæ viderentur. Nisi Angelos ca-rundem animarum custodes rogaremus, qui ad ipsarum co-gnitionem afferentes orationem, explere possent, quod de-ficit statui.

18. *Pro quibus orandum?* Pro cunctis, qui nondum ater-nam salutem sunt consecuti. Minimè pro damnatis ; quia vel Traiani historiam Bellarminus irridet. Quod si certa libera-tio illa, præter ordinariam legem assero accidisse.

19. *Mentalis ac vocalis oratio quidnam?* Mentalis quidem est mentis ad Deum eleuatio. Vocalis autem addit quandam sensibilem significationem petitionis in intellectu resi-dentis.

20. *Requiritur ne aliqua attentio ad orationis vocalis substantiam?* Attentio requiritur necessariò; sed sufficit attendere aut ad verba, aut ad sensum, aut ad Deum, aut ad rem pro qua preces funduntur. Porro etiam ad effectus orationis nempe impetrationem, meritum, satisfactionem, & spiritum animi refectionem aliqua attentio est necessaria.

21. *An praeceptum vocalis privatae Orationis?* Minime. Pro dignitate profundatur oratio, quae requirit conditiones, adesse debet boni finis intentio, sacer locus, habitus corporis decens, ac vocis.

## CAPVT III.

*De Horis Canonicis.*

22. *Quidnam Hora Canonica?* Haec laudes, quae certis horis iuxta Canones assolentur recitari. Officium diuinum vocitantur: quia publica Dei laudatio à sacro Canone instituta.

23. *Usus horarum Canonicarum exprime.* Antiquissimum esse, ac ex tempore Apostolico deriuatum assero. Chorus quidem semper sacer habitus ab Spiritu Sancto institutus.

24. *Horarum materiam assigna.* Verba sunt diuino cultui accommodata, v. gr. Psalmi, Cantica, Hymni, Lectiones, Responsoria, Versiculi, Benedictiones, Absolutiones, Capitula Inuitatoria, Antiphonae, Collectae, Oratio Dominica, Saluatio Angelica, Symbolum, quae suo ordine digestis Officium diuinum componitur.

25. *Eius diuisionem expende.* In duas partes diuiditur, nocturnam & diurnam. Nocturna quidem Matutinum & Laudes complectitur; Diurna autem Primam, Tertiam, Sextam, Nonam, Vesperas, ac Completorium. Octo quidem Horae ex institutione primariae extiterunt, iam usu ad septem redactae laudes enim Matutino adhærescunt. Hoc certe tribus Nocturnis constat; quia olim tribus adiectis interstitiis temporis in beatissimae Trinitatis honorem recitabatur, legisque Naturalis, Scripturae, & Gratiae in memoriam.

26. *Impletio praecepti quamnam vocem requirit?* Minister Ecclesiae canentes, aut recitantes publicè; voce vtantur, quae possit exaudiri. Priuatim recitans eam proferat vocem, quae sublati impedimentis à se saltem audiri valeat. Scio

Azor.

*Azorium* solam labiorum articulationem requirere, licet à recitante